

CONVENIO DE COLABORACIÓN ENTRE O CONCELLO DE LALÍN E A ASOCIACIÓN DE CABALEIROS DE LALÍN PARA A CELEBRACIÓN DA XXIX FEIRA DO CABALO

Lalín, a 19 de abril de 2017

REUNIDOS:

Por unha banda, o Concello de Lalín, actuando no seu nome e representación o Concelleiro delegado de Actividade e Produción Agrogandeira, D. José Manuel Hermida Arias, con DNI 52.481.086 -P, ao abeiro das competencias que, por delegación da Alcaldía, ten para vincularse neste acto, en virtude da resolución da Alcaldía de data 29 de xuño de 2015, publicada no BOP nº 142 de 27 de xullo.

Pola outra, D. José Cuñarro Torres, con DNI 44.090.085M en calidade de Presidente da Asociación de Cabaleiros de Lalín, con CIF G-36.595.692, ao abeiro das facultades que, para vincularse neste acto, ten conferidas.

EXPOÑEN:

PRIMEIRO: Que os vindeiros días 28, 29 e 30 de abril vaise levar a cabo a **XXIX Edición da Feira do Cabalo**.

SEGUNDO: Que o Concello de Lalín, ó abeiro das competencias que lle outorga a normativa vixente, e atendendo ó interese da actividade que é obxecto do presente convenio, dotou no Presuposto municipal para o exercicio 2016 prorrogado para o exercicio 2017, a partida 4311.489.28 cunha subvención nominativa para a celebración da Feira do Cabalo. No exercicio 2017 suplementouse dita partida co suplemento de crédito nº 2/P de 2017 polo que se ampliou en 6.000 €, quedando o importe total da mesma en 16.000 €.

A tal fin, as partes asinan o presente Convenio de Colaboración segundo as seguintes:

CLÁUSULAS:

PRIMEIRA: O obxecto do presente Convenio é regula-las bases de colaboración entre o Concello de Lalín e a Asociación de Cabaleiros de Lalín para a celebración da XXIX Edición da Feira do Cabalo.

SEGUNDA: As obrigacións xerais derivadas da aplicación da normativa de axudas e subvencións están establecidas na Lei 38/2003, do 17 de novembro, Xeral de Subvencións e no Real Decreto 887/2006, do 21 de xullo, polo que se aproba o seu regulamento, a súa vez recollidas nas Bases 25 e 26 de Execución do Presuposto do Concello de Lalín para o exercicio 2016 prorrogadas para o 2017.

TERCEIRA: En virtude deste Convenio, a Asociación de Cabaleiros de Lalín comprométese :

- Á organización e ao desenvolvemento da Feira do Cabalo, podendo facer uso para esta finalidade do recinto do mercado de gando na Avda. Xosé Cuíña, e a atender e solventar aquelas reclamacións que puideran derivar dos actos organizados pola asociación, sendo os propietarios dos animais participantes os responsables dos posibles danos ocasionados polos mesmos.
- A indicar en toda a documentación, anuncios, folletos e publicidade nos medios de comunicación que se vaian utilizar, que o Concello de Lalín participa no financiamento de dita actividade.
- A empregar a totalidade da subvención na actividade XXIX Edición da Feira do Cabalo.
- A facilitar toda a información que lle sexa requirida pola Intervención do Concello de Lalín, o Tribunal de Contas e o Consello de Contas, no exercicio das súas funcións de fiscalización e control do destino da axuda obxecto do presente convenio.
- Ter subscrita unha póliza de responsabilidade civil que cubra esta actividade.

CUARTA:

Pola súa parte o Concello de Lalín, en virtude do presente Convenio, comprométese a achegar para a execución do Convenio a cantidade de 16.000,00 €.

A totalidade do importe subvencionado polo Concello de Lalín librarase unha vez aprobado e asinado o presente Convenio, logo da presentación de certificacións acreditativas de que a Asociación de Cabaleiros de Lalín se atopa ao corrente no cumprimento das súas obrigas tributarias e fronte á Seguridade Social. Deberán presentar tamén declaración responsable asinada polo Secretario da Asociación, na cal se determinará que se cumpren todos os requisitos determinados no artigo 13 da Lei 38/2003 para obter a condición de beneficiario, que dita Asociación non incorre en ningún suposto de incompatibilidade ou prohibición para a percepción de axudas públicas.

Acompañaran tamén certificación bancaria do número de conta a nome da asociación,

no que se deba facer o ingreso da axuda correspondente.

QUINTA:

Gastos subvencionables: consideranse gastos subvencionables aqueles que de maneira indubitada respondan a natureza da actividade subvencionada, e se realicen no prazo establecido. En ningún caso se admitirán gastos que superen nun 40% do importe da subvención concedida en actuacións musicais, ou xantares.

SEXTA:

A Asociación de Cabaleiros de Lalín deberá presentar a seguinte documentación, no prazo máximo de catro meses dende a celebración da XXIX Feira do Cabalo:




-Unha memoria da actividade realizada e a conta xustificativa do total de ingresos e gastos da actividade.

-Declaración do conxunto das axudas solicitadas, tanto aprobadas como pendentes de resolución, para a actividade obxecto deste Convenio.

-Certificación de que o beneficiario se atopa ao corrente no cumprimento das súas obrigas tributarias e fronte á Seguridade Social.

-Certificado expedido polo Presidente relativo ó desenvolvemento das actividades polo que se acredite que a subvención foi destinada á finalidade para a que foi concedida, así como da obtención doutras subvencións ou axudas para a mesma finalidade procedentes de calquera Administración ou entes públicos ou privados.



-Xustificación do gasto realizado.- **Facturas regulamentarias (con tódolos requisitos esixidos polo R.D 1619/ 2012 de 30 de novembro) ou documentos de valor probatorio equivalente con validez no tráfico mercantil.**

As facturas deberán cumprir cos seguintes requisitos:

- **Deberán ser orixinais, expedidos pola empresa subministradora dos bens ou servizos. Admitiranse copias compulsadas polo propio Concello, non obstante antes de realizar as fotocopias e compulsas das mesmas estamparase nos xustificantes orixinais un selo coa seguinte lenda: “ documentación presentada neste organismo a efectos de subvención”. Asumirase compromiso de aportar os orixinais no momento que lle sexan requeridos. A factura deberá vir especificada en moneda local.**
- **Deberá constar na factura unha explicación do gasto. Se o**

xustificante non é o suficientemente claro neste aspecto, deberá ir acompañado de nota explicativa da que se deduxa unha clara relación do gasto coa actividade subvencionada.

- Reflexará os datos identificativos do expedidor (nome, apelidos, denominación ou razón social, NIF e domicilio).
- Reflexará os datos identificativos do destinatario que deberá ser a entidade subvencionada (nome, apelidos, denominación ou razón social, NIF e domicilio).
- Incluírá unha descripción detallada e prezo unitario da operación e a súa contraprestación total, importe pagado e moneda. Deberá reflexarse o IVA correspondente ou imposto equivalente para o seu caso, que esté en vigor no país de emisión da factura. Cando a cuota se repercute dentro do prezo deberá indicarse "IVA incluído".
- Xustificantes de pago das facturas utilizadas para a xustificación. Só se admitirán como xustificantes os pagos realizados mediante transferencia bancaria, polo que as facturas deberán acompañarse do correspondente xustificante de dita transferencia. No caso de pagos por importe igual ou inferior a 1.000 euros admitirase o pago en metálico ou cheque sempre e cando se faga constar na factura o selo do proveedor, a dilixencia de factura pagada e o nome, DNI e sinatura da persoa que dilixencie o cobro da mesma.
- No caso de que se teñan realizado pagos que conleven retención de IRPF deberán presentar o correspondente modelo xustificativo de ter realizado o ingreso de dita retención na Axencia Tributaria.

O gasto xustificado documentalmente deberá acadar, como mínimo, o importe subvencionado ou a suma das subvencións obtidas para a mesma finalidade.

- Un exemplar da documentación gráfica da actividade onde conste patrocina ou colabora o Concello de Lalín.

SÉTIMA:

Son causas de reintegro da subvención, xunto cos intereses de demora correspondentes dende o momento do seu pago, as establecidas no Título II da Lei 38/2003, do 17 de novembro, Xeral de Subvencións.

A Asociación de Cabaleiros de Lalín quedará sometida ás responsabilidades e réxime sancionador establecidos na Lei Xeral de Subvencións, no seu Regulamento e na Lei Xeral Orzamentaria.

Para os supostos non previstos neste convenio serán de aplicación as normas incluídas nas Bases de Execución do Presuposto do Concello de Lalín para o exercicio

Intervención - Tesourería

2016 prorrogadas para o 2017 e na Lei 38/2003, do 17 de novembro, Xeral de Subvencións e no seu Regulamento.

OITAVA : As cuestións litixiosas xurdidas da aplicación do presente Convenio, e non resoltas en vía administrativa, serán resoltas pola Xurisdición Contencioso administrativa.

NOVENA : O presente convenio resolverase por incumprimento total ou parcial dalgunha das cláusulas que o regulan.

DÉCIMA: O período de vixencia do presente convenio será dende o día da súa sinatura ata o 31 de decembro de 2017.


Lido polas partes e coma proba de conformidade co expresado no presente convenio, asínano e rubrícano por triplicado exemplar, no mesmo lugar e data que se indica ao comezo.

POLO CONCELLO DE LALÍN

O Concelleiro de Actividade
e Producción Agraria,

POLA ASOCIACIÓN CABALEIROS
DE LALÍN
O Presidente,

Asdo.: D. José Manuel Hermida Arias



Asdo.: D. José Cuñarro Torres



